


**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1277/12  
Sarajevo, 14. 5. 2012. godine

01/e-50-1

15-05-2012



**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine je na 7. sjednici održanoj 10. 5. 2012. godine utvrdilo Odgovor na zastupničko pitanje koje je postavila Ismeta Dervoz, zastupnica u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi dostavljanja zastupnici.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1277/12  
Sarajevo, 14. 5. 2012. godine

Ismeta Dervoz, poslanica u Predstavničkom domu Parlamentarne skupštine Bosne i Hercegovine, na 24. sjednici Predstavničkog doma Parlamentarne skupštine Bosne i Hercegovine održanoj 15. marta 2012. godine uputila je Ministarstvu civilnih poslova BiH slijedeće poslaničko pitanje:

- «U kojoj fazi je izrada strategije za poboljšanje uslova života i rada mladih i do kada je planirano da strategija bude završena?
- Šta je uradio novi saziv Komisije?
- Da li uopšte postoji plan aktivnosti i ko će finansirati novo istraživanje?»

Na postavljeno poslaničko pitanje Savjet ministara Bosne i Hercegovine je na 7. sjednici održanoj 10. 5. 2012. godine, utvrdilo slijedeći odgovor

**ODGOVOR**

Savjet Ministara BiH je na 72. sjednici, održanoj 16. decembra 2004. godine donio Odluku o osnivanju Komisije za koordinaciju pitanja mladih u BiH (u daljem tekstu Komisija). Mandat Komisije je trajao od 2006. do 2009. godine.

Na 84. sjednici Savjeta ministara BiH, održanoj 16. aprila 2009. godine, usvojena je Odluka o izmjeni i dopuni odluke o osnivanju Komisije za koordinaciju pitanja mladih u BiH. Komisija se sastoji od 9 članova od čega su 4 predstavnici institucija vlasti u BiH (Ministarstvo civilnih poslova 2, Ministarstvo porodice omladine i sporta Republike Srpske 1 i Ministarstvo kulture i sporta F BiH 1) i 5 predstavnika omladinskog nevladinog sektora (predstavnik iz Republike Srpske je predložio Omladinski savjet Republike Srpske). Prema novoj Odluci Komisija se osniva u okviru Ministarstva civilnih poslova BiH, umjesto dotadašnjeg rješenja prema kojem je Komisija osnovana kao stalno tijelo Savjeta ministara BiH.

Prema Odluci o osnivanju Komisije jedan od osnovnih zadataka je izrada prijedloga omladinske politike (Koordinisana politika za mlade u BiH).

S obzirom na činjenicu da je Komisija u prethodnom mandatu (2006- 2009) već trebala predložiti Savjetu ministara ovaj dokument, ali da to nije urađeno, novoosnovanoj Komisiji za koordinaciju pitanja mladih se stavlja ista obaveza u novom mandatu.

-U svom prošlom mandatu Komisija za koordinaciju pitanja mladih u BiH je, uz podršku GTZ-a izradila "Analizu položaja mladih i omladinskog sektora u BiH" kao prve faze u izradi Koordinisane politike za mlade u BiH.

-**Novi saziv Komisije** je u martu 2010 godine izradio i usvojio dokument Smjernice za izradu prijedloga dokumenta Koordinisana politika za mlade u Bosni i Hercegovini koji je sadržavao: opis projekta, proces izrade prijedloga dokumenta, programske oblasti, sastav i zadatke Radne grupe za izradu prijedloga dokumenta.

Ove smjernice upućene su svim nadležnim entiteskim ministarstvima i odgovarajućim odjelima u Vladi Brčko Distrikta Bosne i Hercegovine, a prema 6 programskih oblasti utvrđenih u „Analizi..“, zajedno sa zahtjevom za imenovanje predstavnika u Radnu grupu za izradu prijedloga dokumenta.

Krajem jula mjeseca 2010. godine, prikupljena su imenovanja članova od strane nadležnih institucija. U Zgradi Parlamentarne skupštine BiH 15.9. 2010. godine, Komisija je organizirala pripremnusjednicu Radne grupe za izradu Prijedloga dokumenta „Koordinirana politika za mlade u Bosni i Hercegovini 2011. – 2015.“ na kojoj su prisustvovali predstavnici entitetskih ministarstava, Brčko Distrikta i predstavnici Ministarstva civilnih poslova BiH.

Komisija je Prijedlog Odluke o imenovanju Radne grupe za izradu Prijedloga dokumenta „Koordinirana politika za mlade u BiH 2011. – 2015.“ uputila Vijeću ministara BiH 26. oktobra 2010. godine, na usvajanje.

Vijeće ministara na svojoj 137. sjednici održanoj 18. 11. 2010. godine, odgodilo izjašnjenje o navedenom prijedlogu Odluke uz naznačenu potrebu da predlagač razmotri sugestije po pitanju nadležnosti Federalnog ministarstva nauke i obrazovanja i Federalnog ministarstva kulture i sporta, a u vezi Odluke Ustavnog suda Federacije Bosne i Hercegovine. Sugerisano je da se pribavi mišljenje kantonalnih ministarstava.

Zahtjevi za izjašnjenje na prijedlog Odluke o imenovanju radne grupe za izradu prijedloga dokumenta „Koordinisana politika za mlade u Bosni i Hercegovini 2011-2015“, upućeni su na adrese svih deset Vlada kantona u Federaciji BiH. Iako je naglašena hitnost odgovora, do januara 2011. godine su na adresu Komisije pristigla svega dva prijedloga. Uprkos višestrukim urgencijama prema Vladama.

-Obzirom na gore navedeno Komisija je svojim Programom rada za 2012. godinu, koji je poslan Vijeću ministara BiH radi usvajanja, ponovno uvrstila izradu predmetnog strateškog dokumenta kao prioritetni zadatak, a sredstva za njegovu izradu planirana su u Budžetu Ministarstva civilnih poslova BiH kao program posebne namjene.

U okviru IPA projekta "EU podrška kooordinaciji i implementaciji nacionalne politike za mlade u BiH", koji je počeo 01.01. 2012. godine, planirane su aktivnosti za podršku izrade strateškog dokumenta kao npr seminari na temu razvoja metodologije za izradu starteškog dokumenta za mlade, kao i aktivnosti u okviru komponente "Monitoring i evaluacija", kojima će se obezbijediti sistematsko prikupljanje svih relevantnih podataka o mladima u Bosni i Hercegovini.

---